

Fida Nyamesemka: Sanda 3, 2014.
(Friday Sermon – 3rd January 2014 – Fante Translation)

AHMADIYYA NE KANKƆ WƆ AFE 2013 MU, SIKƆ AFƆRBƆ NA WAQF-E-JADID.

Ber a Ɔkrantsee tashhud, ta'wwuz na Ɔkenkann Sura Al-Fatiha wie no, Huzur Aqdas (ketseankye Allah dze Ne mboa Kese no ahye no dzen) kaa de: odzi kan no me pe de mema hom afe nhyiapa, mekyere Ahmadiyya kuwmba a hom wƆ wiadze afenandze nyinara. Mesere de Nyankopon nhyira afe fofor yi do. Me nsa aka afe nhyiapa nkyia efi ankorankor na Ahmadiyya ekuwekuw a wƆwƆ wiadze afenandze nyinara na mobƆ mpaa de Nyankopon Ne nhyira nye N'adom na N'ehumbobor ndwir ankorankor biara no do wƆ afe fofor yi mu.

Ampaara de iyi nye kuwba biara ne mpaabo na ma hom mma iyi nnye nkyia ara keke de mbre adasamba binom ye no wƆ ber a wonnyi pe biara na mpaabo a wadze benya Nyankopon Ne nhyira na N'adom nye N'ehumbobor. Se yeammfa adom na ahodzen a Nyankopon dze ama hen no annye edwuma de mbre ofata a ono nkyia yinom nyinara nnkeye mfaso biara ama hen. Onnkeye mfaso biara de afe rokƆ ewie no yebehya aye dodow asorye se yeannye hen adwen yie de yebema hen Nyamesom edzi mu na yeenya ahodzen a yedze bedzi dwuma a obema yeenya Nyankopon N'adom na N'ehumbobor onye N'enyimpa. Nkyia yinom nyinara nnkeye mfaso biara se yeammfa ahodzen a Nyankopon dze ama hen no annye edwuma a yebanya N'adom ama yeetum edzi Ne mbransem do, na se yenia dem atsenka yi dze a, ono yebanya Nyankopon N'adom na N'enyigye. Se afe n'ahyese yi yedze dem adwen na nkyia yi hye ase dze a, ono wobekan hen eka hon a woenya Nyankopon N'adom no ho. MobƆ mpaa de Nyankopon ma hom de adom na nhyira ndwir hom do na hom ma yendwen adwenpa wƆ dem afe fofor yi mu, se onntse dem dze a, ono Nyankopon nsesa hen adwen na Oma hen adwen a otsen.

Iyi nye dza oma adasamba ye ndaasefo ma Nyankopon wƆ N'adom a Odze adom no ho. Dem adwen yira so na oma obi bre noho ase na osom Nyankopon na oye hen botae de yebebre henho ase ama Otumfo Nyankopon osiande iyi nye dza Allah aka akyerɛ hen. Iyi nye adwen a oma obi hu Nyankopon N'adom a Oaye no dada na oye hen ahobrase wƆ nokwar mu wƆ wiadze yi mu na iyi so nye hen botae de mbre Allah Nara aka no na iyi so nye hen nkyia no sunsum na no ngyinado. Se yebu hen kon hwe hen ekyir wƆ afe a abesen kor no a yehu de Jama'at yi kor ahokyer mu, naaso afe 2013 dze nhyira na adom ahorow pii bre hen. Dem ntsi se yeye de yekodo ara nya dem adom no a owƆ de yeye ahobrasefo na yeye edwumadzen na yebƆ mpaa. Se yeye dem a yebotum enya Nyankopon N'adom na Ne nhyira mbordo mbordo. OwƆ de yeye ahobrase, edwumadzen na yebƆ mpaa. Binom adwen ye hon de se wonya kwan ye edwuma wƆ Jama'at no nkorabata bi mu a nna okyerɛ de wonya nhyira na adom ara nye no. Nyew ! Naaso iyi keke nnye hwee. Waka ara keke na se obi reye edwuma bi na se wammfa woenssi n'adwen pi de ono na woenya dzibew a okron na se oye n'adwen de woenya kwan a odze rosom no gyedzi.

Dem ntsi hom nhu kwan a wadze som gyedzi de oye Nyankopon N'adom kese. Iyi nye adwen a obi a osom wƆ de onya na nhuw na oma odwen de odzi mu sen hon a waka no nyinara. Hon a wonya gyinabew bi wƆ asor yi mu no nhu no de owƆ de woye ahobrasefo dobodobo de mbre wobanya Nyankopon N'adom na wonye asor mbƆ mpaa. Nkorofa a woye dem na wonya kwan som Jama'at yi yie na wonya nkorofa so ma woye hon bataboa wƆ hon dwumadzi mu. Iyinom na woye Sultan Naseera (abofo) ma Khalifa a otse egua do na demara so na oma kuwba no adwen ko Jama'at dwumadzi do yie. Demara so na kuwmba no ye setsie ma hon na woboa Jama'at edwuma. Mesere de Allah mma hen dzibewdzifo no nyinara ahodzen a wadze

beye ahobrase a obema woye edwumadzen na woye asor mpo akyen mfe a abesen kor no. Dem ber yi na wobotum aye Sultan Naseera ama Khalifa no na de yebema Jama'at no ehu hen asen wiadze yi mu biribiara. Iyi na obema yeenya mpontu nye kanko na yeehu Nyankopon N'adom ber nyinara mu.

Kuwba biara nyim de owo de yekodo ara tu mpon na Anohoba Mesia (ANN) no botae tu mpon na oko kan na yedze Islamsom dawurbu petse wiadze afenandze nyinara. Oye hen asodzii de yebeka Muslimfo a wabab apetse wo wiadze yi mu nyinara abomu. Owo de yema adasamba nyinara bu hon mu adze na wobre honho ase ma Nyankopon. Allah N'adom ara kwa Kuw yi ridzi dem dwuma yi yie. Yerisisi asordan na asofodie ahorow na yeka nyamesem (Tabligh) na yekyerew na yetsinstim mbuukuu ahorow so na yetsetse asofo na yedze hon ko ma wakeye Allah N'edwuma wo mbeambea pii.

M'edzi kan aka dada de hen asetsena wo wiadze yi mu ne botae nye de yebosom Nyankopon, dem ntsi de yebeye asor (Salat) abomu wo asordan mu no ye ehiasem ara yie na oye Muslimnyi biara n'asodzii. Se yebeye dodow asorye dze a, ono obehia de yebesisi asordan wo mbeambea a ofata de yesi asordan wo ho. Adom ahorow a Allah yee wo Jama'at yi do no wo afe a abesen kor no no mu kese kor nye de yetumii sisii asordan na yeyee mu asor. Dem asordan yi yesii bi wo Europe Aborokyirman mu na Australia man mu. Wo afe a abesen no, yesii asordan ahaebien eduonum awotwe (258) wo mbeambea ahorow bi tse de Africa, India na Arab aman no bi mu. Yesii asorfie oha eduonu biako (121) a no mu eduosuo esuo (77) wo Africa man mu na enum (5) so wo India. Dem ntsi iyi nye mbea ahorow ebien na India ye Oman kese na Africa so ye wiadze n'afenandze a no mu aman beye esia (6), esuo (7) anaa awotwe bi wo ho a Jama'at no mpontu ko kan ara yie.

Afei de mbre m'aka no, hen edwuma nye de yedze Islam ho dawurbu no bepetse wiadze yi mu na yebu Islam ne nkyerekyere a oye nokwar na oye few no ho dawur wo mbea nyinara ama wiadze ehu dem nkyerekyere fafew yi, na Nyankopon N'adom ara hen asofo no ridzi dem dwuma yi. Se iyi yeyi fi ho a, ber a motuu kwan kor mbeambea wo wiadze yi mu no, Jama'at no nya akwanya kodur mpenpendo a ono so ma wiadze no suaa ndzamba faa Islam ne nkyerekyere ho. Se yetwa no tsia a, hen asofo no tua dem dwumadzi yi do. Binom wo ho a dabiara wo dawurbu nkrataa mu no, wodze nkyerekyere no to gua wo hon aman mu. Afei binom so kyere wo dawurbu nkrataa a ofa no me Fida nyamesemka, me kasaa ahorow na wonam iyi do dze Islam ne nkyerekyere ko mbeambea na afe a etwa mu no nhyira dwiir dem dwumadzi yi ma no mu tserewe.

Seisiara na me kasaa faa m'akwantu a motui ho na m'abo hom amandzee afa dem akwantu yi ho wo me kasae mu. Onam akwantu a motui kor Amerika wo mfeda no ntsi, yeka bomu a nyimpa beye opepe duebien na wotsee dawurbu no, na wo Canada man mu no, kurowpon akese ebien a mokor mu no nyimpa beye opepe awotwe na fa (8.5 million) na hon nsa kaa dawurbu yi. Iyi kyere de aman ebien a mokor mu no nyimpa beye opepe eduonu (20million) na hon nsa kaa Islam ne nkyerekyere ho dawurbu wo dem kwan yi do. Iyi nye nhyira ahorow a Nyankopon dze aye hen adom na akwan foror pii a yebefa do abo Islam ho dawur so rubuei ma hen. Wo m'akwantu mu no, de mbre m'aka dada no, akwan foror a yedze bobo Islam ho dawur ebue na hen asofo so atserew mu ako ekyir ara yie wo dem mbodzen yi ho. Asofo no a wokenyan honho no, na wowo do ma hon edwuma no na wodze yaw nyinara to nkyen no, ko do ara tserew dem dwumadzi yi mu na woma onyin so. Hon a woye dem edwuma no, Nyankopon dze kunyimdzi kese dwir hon wo hon mbodzenbu nyinara mu.

Demara so na wo me Germany akwantu mu no, motow asordan ebien ne fapem na me nye hon yee hon Jalsa na dem mber nyinara no hon dawurbu nkrataa nye kasafir ahorow twee dawurbu yi kor Germany man no mu nye no nkwaado nyinara. Aman bi tse de Australia na Switzerland nyaa Germany Jalsa ho dawurbu no bi osiande onam TV efir ne dawurbu kor dem aman yi mu. Na nyimpa beye opepe anan (4 million) na Germany Jalsa no dze Islam nkyerekyere ho dawurbu no duur hon nkyen.

Afei wo Singapore, Australia, Newzealand na Japan. Wo m'akwantu mo wo dem aman yi mu no, dawurbu efir twaa m'akwantu no ma otserewe na de mbre m'aka no dada wo ber a mebaa no, nyimpa beye opepe eduasa na hon nsa kaa hen dawurbu. Ntsi iyi ye Nyankopon N'adom, ono a Okron na yennkotum afa nyimpa ne mbodzenbodo ma hen nsa nnka dza otse dem yi. Mfatoho a owo nyimpa ne mbodzembu nye Ahmadiyya abrentsi, hen PA nkorbata hon kyerekyerewfo anaa hen dawurbu ananmusinyi a awo

Australia, na ɔnye hɔn dawurbɔfo a ɔwɔ hɔ dzii nkitaho ma hɔn mantɔw mu dawurbɔ krataa kor mu nyimpa bi hyee no bɔ de ɔbeba abeye dɔm nsembisa. Nanso aber a mber no dur hɔ no ɔkaa de onnkotum aba.

Naaso Nyankopɔn No a Ɔkrɔn na Wɔaye nhyehyee de mantɔw mu dawurbɔ krataa ananmusinyi no ntwe no ho, na sem duenum ekyir no anemsinyi a ɔwɔ aman dawurbɔ krataa edwuma gyee pen de ɔbeba wɔ ber a wɔfre no no, na ɔtse de ma ɔrotwɛn de wɔbefre no na wɔaka me Australia nsrahwe akyere no na nokwar de ɔye Nyankopɔn N'adom, Ɔno a Ɔkrɔn de Ɔkyere hen No tum na No mboa. Na Australia Jama'at banodzifo no nnyi awerehyemu anaa hɔn enyiwa nnda de wɔ dem mber tsiabaa no mu no dawurbɔ krataa ananmusinyi botum agye pen na wɔaba abeye ano nsembisa, se na wɔrodwen mpo a nna ɔnni ɔman mu no mu dawurbɔ krataa, na de wɔbe tsintsim dem kasa yi wɔ ɔmanmu no hɔn dawurbɔ krataa mu de mbre osii no. Wɔ Germany man mu nso na ɔye dza odzikan de T.V efir botwa hen. Na Oman a amanaman efir a wɔwɔ Australia so twaahen nsem na de mbre m'aka no dada akyere nkorɔfo no dewurbɔ no dur aman eduanan mu. New Zealand T.V so bɔɔ dawur yi wɔ Muri efir do so. Dawurbɔ krataa a ɔwɔ Japan a ɔtserew ne nsem ma nyimpa ɔpepe eduonu bisaa me nsem na wotsintsim wɔ hɔn nkrataa mu na nnye iyi nko, ekyir nso wɔsan tsintsimee na wɔsan bisaa nsem faa Islam na hen asɔrdan a yetesi no ho, iyi nye asɔrdan a odzikan, a wɔbɔɔ iyi so ho dawur.

Ɔnam Nyankopɔn N'adom, Ɔno a Ɔkrɔn do, ama yeenya bea kese wɔ Japan a yedze resi asɔrdan fofor na nhyiamu bea wɔ do daaw a n'enyim kyere Qibla ntsi no so yebesesa no. Ɔnam asɔrdan a yeresi no ntsi yedze Islam rekyere nkorɔfo a wɔwɔ Japan Ahmadiyya mu. De mbre mekaa no, dem asɔrdan yi na me nsrahwe ntri, ɔntɛ dem nti adwen aba do efi deyir na aba awie, daabi ɔnnyedem koraa, naaro wɔsam nye ɔsɔfo no dzi nkitaho na iyi ma wɔkyee nsem pii a nna ɔye dzaa woedzikan etsintsim no nsɔwdo.

Afei, wɔ biribiara mu no, Nyankopɔn N'adom Ɔno a Ɔkrɔn, no ye kese na N'adom akwan so ye bebiree. Ɔnam kasafir ɔye T.V do ntsi wɔ n'akwantu mu no nkorɔfo ɔpepe ɔha na eduɔwɔtwe ebien na mpem aha esia na hɔn nsa kaa hen dawurbɔ yi. Demara so wɔ afe yi mu no, ɔnam dawurbɔ krata apem nye eduewɔtwe awɔtwe do ma nyimpa a wɔbor ɔpepe ɔha na eduesia tsee hen dawurbɔ yi. Ntsi iyi nyinara ye adom na akyedze a ofi Nyankopɔn hɔ, Ɔno a Ɔkrɔn no, Ɔno a Ɔma iyi nyinara etum aba mu na ɔye nhyehyee ma hen dawurbɔ kodur nkorɔfo hɔn hɔ wɔ kwan ahorow do.

Edwuma a ɔrokɔ do wɔ ebibir man muno ye fofor fi iyi ho. Wɔreye edwuma wɔ akwan akese do, Nyimpa apepe na wɔretse hen dawurbɔ no ɔnam dawurbɔ efir ahian do. Wɔ Ghana man mu no, dan no ne ɔmanmu T.V efir a wɔfre no Fihena Broadcast Co-orporation ahye ase reyi MTA dwumadzi. Woyi mfe 2013 Jalsa ehyiedzi na dem dwumadzi kor ama aman do ɔnam wim efir (satellite) do. Nti yehun de Allah, eno a ɔkoron no, reye nhyehyee sorudeo a ɔdze bobue akwan ama Islam na dawurbɔ edu nkorɔfo nkyen.

Dem afe yi asetsena a yeaye, nkorɔfo a wɔbaa bi no enya nsunsuando kese. Nkorɔfo a wɔbaa fir nkorɔfo a wɔakenkan mapa, abenfo, amanyefo, mbranhyefo mber a wɔtse Islam ne nokwar nkyerekere no, wohun no de ɔye fofor koraa. Nokwar a ɔwɔ mu nye de iyi nnye mfonyin a yeahye daa aye na mbom ɔno nye Islam ne nkyerekere mapa no, nna ɔye hɔn fofor na nwanwa de nkyerkyere a ɔtse dem botum aye Islam nkyerekere. Ntsi Nyankopɔn N'adom ben na yebeye hen adwen de yerekan.

Nkorɔfo bi a wɔwɔ nyaatwom suban no, se wohu iyi nyinara a, wɔpe de wɔka de iyi nyinara sii ɔnam osimesi anaa yesee ndzamba pii ansaana hen nsa reka, wɔ kwan biara do no nkorɔfo a wɔtse dem no ye kakraaba bi wɔ Jama'at yi mu na nokwar nye hen dawurbɔ nngyina onyimpa biara no do dem ara so na yennsee sika de mbre nyaatwomfo no reka no, iyi ye Nyankopɔn Nara N'adom. Ɔno a ɔkrɔn. Nti Jama'at yi mu mba nhwe yie wɔ dem nkorɔfo yi hɔn ho, wɔkyere dem nsem yi wɔ kwan a wɔahye daa aduado, ɔye dem nyaatwom yi. Edwuma a ɔso dem yi nnkotum aye nyimpa biara ne nsaano edwuma. Ɔye Nyankopɔn nkotsee N'adom, ɔno a ɔkrɔn no. Na se Nyankopɔn, Ɔno a ɔkrɔn no, ammpɛ de ɔmmbra mu dem a, nnkye ɔmmfa ho hen mbɔdzen a yeabo onnkotum aba mu dem.

Nokwar nye de m'ehu wɔ m'akwantu pii de nkorɔfo akesefo akesefo a dɔm wɔpe de wobehyia hɔn no, wɔ mber bi nyaa pe de wobehyia me naaso ɔnam siantsir bi ntsi no m'enyhia hɔn, na wɔtɔɔ kɔ do sereɛ de wɔpe de wohyia me, na hen Jama'at yi mu dɔm pii dzi ho dase. Ntsi de dem adwene beba obi ne tsir mu de hen dawurbɔ tum petse wiadze ye obi petsee bi ne mbɔdzenbɔ no nnye nokwar koraa. Iyi nyinara esi

ɔnam Nyankopɔn N’adom, Ɔno a Ɖkrɔn na iyi nnye bɔhye a ɔdze hyee Anohoba Mesia (ANN) de “Meye ma wo nsem no edu wiadze afenandze nyinara.” Nyimpa biara nnyi ho a ɔbema iyi aba mu.

Ntsi Ahmadiyyanyi biara nkaa de yennhia hwee mmfir wiadze nyimpa anaa kandzinyi biara ho dem ara nso na ɔronnkɔ hia hen. Nyankopɔn na ɔkron na nkotsee na yetwer no. Ɖye hen nyenko na hen banbɔfo na hen boafɔ na ɔno na ɔrenkyere hen dem mpuntu soronko a Jama’at yi tu. Mpontu a ɔrokɔ do wo Ebibiman mu no dze ɔhaw kese abre hon a wɔfre hon ho nkramofo mpayinfo na kandzifo no. Hon enyiwa nngye de wiadze no nyinara reye kor wo Nyankopɔn na Ne Nkɔmhyenyi Krɔnkrɔn Muhammad (NNN) hon frankaa ase; nokwar nye de, hon were ahow osiande nkorɔfo reye Muslimfo mapa ɔnam Ahmadiyya kuw yi ne mbɔdenbɔ. Ɖnnkekyer biara na nkorɔfo a wɔtse dem yi ɔnam de nkorɔfo regye nokwar Islam no ato mu a ɔretwe hon efi Jihad a ɔye ɔko na basabasaye ho ntsi wɔahye ase reka Nyamesem dze atwe dɔm a wɔtse dem hon adwen efi nokwar Islam no ho. Na iyi ye adze a ɔye wiadze banodzifo na hon a wɔfre honho Muslim banodzifo no yaw.

Hen sɔfo a ɔwo Togo se mber a ɔko nsrahwe wo Ayagupe wo ɔman Togo mu no, afofor a wɔagye Ahmadiyya ato mu wo kurow no mu kaa kyere de nda kakra a etwa mu no Muslim kuw bi baa ho bema hon edziban na anomdze na wɔkaa kyere hon de, “ye fre hom de hom mbegye Islam nto mu”. Ahmadiyya afoforfo yi bisaa hon de “anaa hom rotow nsa afre hen de ye mbra mbegye Islam nto mu anaa de hom dze ndzamba yi rotɔ hen adwen na yeagye Islam ato mu”, “ɔnnye adze a yebeye dem osiande Ahmadiyya kuw no aba he nkyen abeka Nyamesem akyerɔ hen ma yeagye Islam ato mu na hon no wɔammfa katasehye kwan do na sesiera dze wɔrekyere hen Islam ne nkyerekyere a ɔye few no. Wɔrekyere hen mbɔfra mbre wosi ye asɔr na wɔkenkan Kor’an Krɔnkrɔn no nso. Dem ntsi ɔnnye adze a yebegye hom ndzamba yi, hom mfa nkɔ, yennyɔ krado de yebegye hom Islam no a hom rekyere hen no ato mu. Yebegye nokwar Islam no a Nkɔmhyenyi Krɔnkrɔn Mohammed (NNN) dze baa no, ma nde Ahmadiyya kuw no dze ye hon Nyamesemka no. Iyi ekyir no hon gyedzi akɔ sor ma woetum esi hon ara hon asɔrdan.

Dem ara na ɔsɔfo a ɔwo Niger so akyerɔw de wo kɔ kaaa Nyamesem wo kurow kakraba bi a wɔfre no Botoro wo Bernikoni, na ekurasefo nyinara gyee hon asem no too mu beyee Ahmadiyyafo. Wɔhyee ase dze Yassarnal Kor’an kyerekyere hon mba Kor’an Krɔnkrɔn n’akenkan na wɔyee nyehyee dze tsetsee hon kandzinyi (Imam) na wɔdze ntsetsee nyehyee ahorow guu kwan mu. Mber a dem asem yi kodur Wahabbi nyimdzifo bi ho no, hɔara na ɔnye enyimdzifo pii kodur kurow no mu na wɔhyee ase de wɔreka de Ahmadiyyafo nnye egyedzifo ntsi ɔwo de wɔpow Ahmadiyya kuw no na wobesi asɔrdan ama hon.

Ɖhen a ɔwo kurow no mu ho kaa kyere hon de, “homnhwe, wo woo me Muslimnyi na maaye Muslimnyi besi nde a maaye panyin yi na muhune wo mo kurow yi mu de ɔbaa basia biara rekenkan Kor’an Krɔnkrɔn yi anaa de ɔrekasa afa Islam nkyerekyere ho da naaso ɔnam Ahmadiyya kuw no ne nyira ntsi mbasiamba no tum kenkan mpaebɔ na Nkɔmhyenyi n’enum nsem (Hadeeth) mpo dze kyere me. Ɖnam de ɔye hom da a odzi kan no ntsi medze hye hom na se hom nnyim na hom san ba ha bekasa tsia Ahmadiyya kuw no a me bema mbabun a wɔwo kurow yi mu nye hom edzi no yaayaayaw.

Hen sɔfo a ɔwo Burkina Faso so akyerɔw de Jama’at bi wo Banfora a wɔfre no Niyakara, na wɔho no nkorɔfo aha ebien nye du na wɔwo ho a afe yi wɔbeyee Bai’at. Ebusua ebien bi wo kurow yi mu a wɔdze honho bɔ Ansar-e-Deen kuw no. wɔnye hen kuw no mu mba no hyiaa mpen pii de wongyaa Ahmadiyya som no na wɔmbɔ dɔm Ansar-e-Deen kuw no naaso Ahmadiyyafo no annye hon annye adwen wo hon mbɔdenbɔ no mu. Wɔkaa kyere hon sɔfo no de wɔrehye hon de wonngyaa kuw yi naaso ndzamba a woesua wo Ahmadiyya ntsetsee mu no ama woetsintsin ma wonkotum asan akɔ sum a nna nkaano no wɔtse mu no, ma sesiera wɔahye ase rutua ebupen no daadaa.

Dem ara so na ɔtse wo Benin ekura kakraba bi a wɔfre no Jaroomayday, ho no, nyimpa bi a wɔfre no Kareem wuraa Jama’at yi mu a wɔyee no Bai’at. Bosom ebien anaa ebiasa ekyir no enyimdzifo bi daadaa no ma ɔhyee ase kasae tsiaa kuw yi. Mantem wo Ahmadiyya kyerekyerefo no kaa kyere Benin Ameer de nyimpa a ɔtse dem yi dze kasa fi ayaa kuw yi, Ameer yi kaa kyere kyerekyerɔnyi yi de mma ɔhaw no na Nyankopɔn aka akyerɔ Anohoba Mesia (ANN) no de se nyimpa kor fi ne Jama’at mu a ɔbema no nyimpa dɔm ahye anan mu. Dem da no ara, Ameer no nye kyerekyerefo no kɔɔr ekura bi a wɔfre no Akonope ade kɔ

kaa Nyamesem kyere hɔ mantɔw mu hen, a nna ɔye kurow no ara so no mu hen ma Nyankopɔn N'adom ɔbeyee Ahmadiyyanyi. Na mber a nna wɔnye ɔhen no ridzi nkitaho no na mbanyin ebien a wofir kurow a ɔdze Waga wɔhɔ na wɔtow nsa frɛ hɔn de wɔmmbra mbeka Nyamesem wɔ hɔn kurow no mu. Dem ntsi wɔkɔree na wɔyee Maghrib wie no wɔdze hɔn nsem too gua a nyimpa eduasa ebien gyee Ahmadiyya too mu na wɔtsew Jama'at fofor wɔ kurow no mu, na dem banyan no a nna ɔrekasa tsia hen kuw no beyee obi a nna polisifo repe no ma oguane fi hɔ kɔr beebi fofor.

Sofo panyin a ɔwɔ Nigeria akyerew de bea a ɔwɔ Cameroon a wɔfrɛ no Foumban ye bea a obia nyim de dɔm pii a wɔtse hɔno ye Nkramfo. Wɔyee Khilafat ehyiadzi a odzikan wɔ hɔ na tse de ma afe biara wɔye no, kuw bi fi Pakistan a wɔbɔ mbɔden de wobotu ahye kuw yi do. Osiande Khilafat ehyiedzi yi wɔbɔ no dawur wɔ kasafir ahor do ntsi hɔn so wɔtsee ma nyimpa kuw a wɔye nyimpa eduonu-anan a nna wɔka Nyamesem kodur hɔ. (hɔn mu du fir Kenya na duenum fir Cameroon na Chad).

Wɔ dem kurow yi mu no, Nyankopɔn N'adom ntsi, dodow no ye kuw yi mu mba na ɔhen na hɔn kandzinyi (Imam) na n'abadzikeyir gyee Ahmadiyya too mu mfe ebien a abesen kɔ no. Dem ntsi kuw yi bisaa kyerekyerenyi n'ase; ɔno nye nyia ɔnam no do ma Ahmadiyya dawurbɔ kɔr fie biara mu. Ɔkyerekyerefo no ne yer kaa kyere hɔn de woetu kwan, dem ntsi wɔkɔr kurow no n'asɔrdan a ɔye asɔrdan kɛse na Nyame N'adom nna ɔye Ahmadiyyafo dze. Wodur hɔ no wɔkaa kyere kandzinyi a ɔwɔ asɔrdan no mu de, yɛpe de yeka Nyamesem na yeka nokwar a ɔfa Ahmadiyya kuw no ho kyere hom. Ɔkandzinyi no tsee dem no, ɔkaa kyere hɔn de se hom pe de hom kasa tsia Ahmadiyya kuw no dze a ɔno meka kyere hom de asɔrdan a hom gyina mu no ye Ahmadiyyafo dze na Nyankopɔn N'adom ntsi hen nyinara ye Ahmadiyya Muslimfo. Dem ntsi kwan nnyi hɔ mma hom de hom bekasa ntsi hom mfi ha nkɔ na wɔkaa kyere polisifo ma wɔbe pam hɔn fir kurow no mu.

Demara so na wɔ South America man mu no, Pakistan nyimdziifo roboa hɔn ano wɔ hɔ. Kuw a wɔye nyimdzii ho edwuma na wɔwɔ hɔ. Enyimdzefo no bi fi India, Saudi Arabia na kurow n'ara no mu mba binom gudo reye nhyehyee dze retsia Muslim atsembu kuw a ɔwɔ hɔ. Demara so na Sierra Leone nkra so tse. Ha so nyimdziifo a wɔka nyamesem a wofi Pakistan, hɔn a worisua adze wɔ Al-Ahzar suapɔn mu wɔ Egypt na Sierra Leone nyimdziifo a ɔnam Saudi Arabiafo hɔn do akɔsua adze wɔ Saudi Arabia na wɔka de wɔ wimuhɛn biara mu piinara bodwir ɔman no mu. Na wɔdze nkorɔfo binom kɔ nkurase na kurow mu ma wɔma nkorɔfo sɔr tsia Ahmadiyyafo na Shiafo. De wɔbeka nyamesem no, mbom hɔn botae nye de wɔbetserew basabasaye mu.

Nokwar nye de, siesiara wɔatsew Ebibirman nye Arabman Kuw bi a woeyi sika tsitsir bi esi hɔ ama Ebibirman nye Seirra Leone tsitsir de wɔrobɔboa hɔn yiedzi nye hɔn nwomasua ne kankɔ. Iyi akɔ do mpen pii, wɔkɔ hɔ kɔ gye gye sika naaso wɔnnye hɔn mboa biara, wɔhye bɔ de wɔbeye hɔn mboa naaso mboa no mmba na se mboa no ba mpo a wɔkye ma hɔn ara hɔnhɔ hɔnhɔ na ɔye dem ara so na ɔbɔko do aye. Na dem mbre kuw yi rutu mpon no na Nyankopɔn N'adom gudu ara rotɔ gu hen do yi atamfo no so ahye hɔn nsa mu dzen, naaso iyi nnhaw hen, osiande onnyi de yema ɔhaw hen, osiande Nyankopɔn ahyehye de atamfo no bedzi nkogu na wɔbɛpepa efi hɔ koraa na dzaa ɔwɔ de yema ohia hen nye de yebɔkɔdo ara enya Nyame N'adom mber nyinara, na dzaa ɔbema yeetum egyina atamfo no ano nye de yebanya gyedzi a no mu ye dzen na yebeye edwuma dzen dze ahye Anohoba Mesia (ANN) ne botae no ma na yeama hen adwen akɔ hen asɔrye do yie. Dem ntsi hom mbɔ mpae wɔ afe fofor yi mu papaapa na hom nkenkan Durood na Istighfar de mbre Nyankopɔn Tumfo no benya ehumbɔbɔr wɔ hen do na wɔatserew N'adom no mu wɔ hen do, na Wɔama atamfo no hɔn nhyehyee abɔ hɔn ara hɔn tsir do. Yebɔ mpae de Nyankopɔn nnyi atamfo no nyinara mfi hɔ na ɔnkɔ do ara nwora N'adom ngu hen do ber nyinara.

Anohoba Mesia (ANN) no dze tum kɛse no ara ahye mpaebo mu na ɔkaa de dzaa obesi biara nam mpaebo do na Nyankopɔn yii kyere no de dzaa obesi biara bodua asɔrye do, na hen akodze ara nye asɔrye pe, yennyi akodze biara kotsir asɔrye, dem ntsi iyi ara nye akodze a ɔwɔ de yefa.

Nde ye Fida a odzi kan wɔ Sanda bosom no mu wɔ afe 2014 mu na de mbre yetaa ye no yebɛda Waqfe Jadid afe fofor no edzi na Waqfe Jadid afe no so esi wɔ nde Fida yi ara, na Nyankopɔn N'adom a ɔnam Waqfe Jadid do bae mfi no yebɛda no edzi, m'edzi kan aka ho asem kakra dadaw. Waqfe Jadid

ntoboa ne sika dodow ara yedze ye edwuma wɔ Ebibiman mu, na iyi so na Nyankopɔn N'adom ara kwa de yedze sisi asɔrdan ahorow na yedze ka Nyamesem wɔ Ebibir mu, na yedze ye ndzɛmba ahorow pii so ka ho de mbre yenyim no. Nna Waqfe Jadid ntoboa no wɔ Pakistanman nkotsee mu, na wɔ Khalifatul Masih IV n'aber do na ɔdze kɔr aman aman ahorow do de mbre ɔbeyɛ ma Ebibir na Indiaman mu dwumadzi ahorow no mu betserew. Yeesisi asɔrdan ahorow pii nye asofo fie pii no ara, na yeatoto binom so wɔ India na Ebibir mu na yenam Nyamesemka do asakyer akra pii ma wɔayɛ nhyira de wɔagyɛ Ahmadiyya kuw a ɔwɔ Islamsom mu nokwar no ato mu, ekyingye biara nnyi hɔ de dem mbea yi do fo so robɔ afɔr akese akese de mbre obiara n'ahɔɔden botum, dem ntsi na aman akese do Waqfe Jadid ntoboa no yedze dzi dwuma wɔ Ebibiman na Indiaman mu no, na de mbre meedzi kan aka no aman yi mu nyimpa so robɔ afɔr akese akese.

Hen sɔfo a ɔwɔ Guinea Conakry akyerew aba de ɔnye obi a ɔyɛ kuw yi ba a wɔfrɛ no Mohammed yɛɛ awar ho nhyehyɛɛ naaso nna onnyi ho sika a ɔdze beyɛ basia noho adze na no hwuambɔ, na mber no mu ara na asɔrfo no bisaa sika ntoboa na medze kakra a mowɔ no bɔɔ afɔr na mekaa kyere basia a morobɔwar no no ɔkaa de mben ntsi na me yɛɛ dem? na mekaa kyere no de emi mowɔ gyedzi wɔ Nyankopɔn no mu dem ntsi ɔnoara bo bue kwan ama hen, biribiara nnyi hɔ a yesɛe no wɔ Nyame kwan mu a ɔbeyɛ kwa. Ɔse adze kyee no ara a ɔkɔr edwuma mu no ne sika bi ana wɔaka mu mber pii no wotuaa maa no, dem da noara ber a ɔdze sika no baa fie no ɔyɛɛ ne nkorɔfo nwanwa pii, hom nhwɛ mbre Nyankopɔn esi akyerɛ N'adom ntsem noara, na iyi so ye nwanwa na ɔkyere kwan a nkorɔfo fa so bɔ afɔr.

Hen sɔfo a ɔwɔ Beninman mu no akyerew aba de, nsu tɔɔ mbordo wɔ hɔn mantɔw a ɔyɛ Koutonu no mu ma nduadzewa ahorow nyinaa sɛɛe na ɔkɔm sii hɔ, nyimpa no wnnya hwee ammbɔ afɔr mpo woennya bi a wobedzi mpo, na Jama'at no mu kor kyerewee bre me de mbre hɔn dwumadzi nyinara asɛe no na wɔnye efuw fofor bi a wɔdze botua hɔn asɔr ntoboa na Nyankopɔn hyiraa efuw no koraa ma wonyaa francs sika no 11,500 dze tuua hɔn asɔr ntoboa na wodzi kan kyerewee besere me mpaabɔ. Demara na obi so akyerew efi Gambia de ɔyɛ basia na se obi ba de ɔrebegyɛ asɔr ntoboa a ɔnoara wura fie fie na ɔgye gye ntoboa fi mbofra nyinara nkyen, na ɔse mbɔfra no mpo ka de wɔmmpɛ de wobeyi hɔn efi sikatua no mu.

Basia bi so fir Gambia man mu a ɔkyerew de na ɔrokɔ beebi akegyɛ semina abɔhor ne ndzɛmba na ɔtsee de wɔregye gye asɔr ntoboa na wɔre bisa de obiara mfa dza ɔwɔ biara mbɔ afɔr, dem ntsi maame yi dze ne semina sika no tuua ntoboa no na nna ɔwɔ gyedzi de Nyankopɔn bobue kwan bia ama no na Nyankopɔn yɛɛ nhyehyɛɛ maa no de ndafua kakrabaabi ntamu no ɔhɔho bi breɛ no semina adaka kor.

Demara na wɔ Beninman mu no basia bi a ɔtaa bɔ afɔr wɔ nsumaa mu na mfedz robɔkɔ ewie no otuaa sika 100,000 francs na ber a wɔkaa kyere no de ɔwɔ de ne ba baa bi so tua ntoboa no ɔsan tuua 30000 francs kaa ne dze no ho, dem ntsi yewɔ nkorɔfo a se wobisa hɔn afɔrbɔ a wogyae hɔn ankasa hɔn ehiadze nyinara to hɔ na wɔdze hɔn egyptadze bɔ afɔr ma asɔr.

Demara na hen sɔfo a wɔ Tanzania man mu dze aba de asɔr mba no bi wɔhɔ ana wonntua hɔn ntoboa na ber a ɔbɔɔ hɔn nkaa no wotuaa hɔn ntoboa no ntsempa noara, binom so wɔhɔ a na wɔwɔ hɔn ehiadze naaso wɔdze hɔn ara hɔn ehiadze no to nkyen tuua asɔr ntoboa no. hen Ameer a ɔwɔ Maliman mu akyerew aba de onua Mualim Abdul Qaqdir bisaa asɔr ntoboa na ɔhyɛɛ ase de ɔrekyerekyere no ho hia a ohia nye mfaso a ɔwɔ mu no, Imam kor a na ɔwɔ hɔ no ye obi a onnyi bi na obia a onnkotum mpo ato daadze pɔnkɔ mpo na obisaa de sika ahen na hom hia na otuaa sika 1000 francs na ɔkaa de se Nyankopɔn hyɛ no anan mu a, ho kaw a ɔno nnye daadze pɔnkɔ na ɔdze bema hɔn na mbom kutukutufɛmfɛm na bosom esia n'ekyir no onyaa sika kɔtɔɔ kutukutu famfam na ɔsan bɔɔ afɔr 65000 francs no bio kaa ntoboa no ho.

Dem ara na onua bi so wɔ Indiaman mu na ne Waqfe Jadid ntoboa ye 1200 rupees na ber a ɔtsee ntoboa no ho mfaso a ɔyɛ no ɔkaa de ne bosom akatua ye 50000 rupees dem ntsi hom nhwɛ ho ntsew ne ntoboa de mbre ɔfata, ha ɔhyɛɛ ase de orutua no pepepepe. Waqfe Jadid nhwedofɔ a ɔwɔ Indiaman mu no so akyerew de onua baa bi a ɔyɛ kyerekyerɛnyi panyin wɔ Jamu Kashmir ne ntoboa bor hɔn a wɔwɔ nkwaado hɔ nyinara osiande mbre ɔyɛ nye de se wɔrekyerew Waqfe Jadid ntoboa no a na obisa de Huzoor n'enyisom tse den na otua sika dodow biara a obotum, na otua no ntsempa no ara, afe yi so ɔbɔɔ n'anohoba no otuaa 20000 rupees ma ɔbor n'anohoba no do, otuaa biso maa no kun a woefi mu. Panyin a ɔhwɛ Waqfe Jadid do wɔ India akyerew de onua bi a wɔfrɛ no Khawaja Sahib, a ɔtaa kasa fa mpuntu a woenya efir n'edwuma ye

mu kaa de wɔkyere de wɔnye no risi mpire wɔ edwumaye mu na ɔse ɔpe de nkye wɔnye no si mpire wɔ ntoboa ne tua mu. Ɔse se ɔdze ndzɛmba kɔ gua do a se no bo wɔ famu dan ara mpo a Nyankopɔn ma onya bo pa a odzi mu ara yie, dem ntsi yewɔ mbaa na mbanyin ahorow pii a wɔka hɔn suahun wɔ Waqfe Jadid ntoboa ho a ɔkyere de wɔatse ntoboa no ho hia a ohia no ase. Binom wɔ hɔ a wɔntwɔɛn de obi bɔboa hɔn mbom wɔper hɔnho de wɔbɔbɔ afɔr akɛse akɛse, na wɔbɔ hɔnho mbɔdzen de wobotum egyina hɔn ara hɔn anando de mbre yehu no wɔ mfatoho ahorow yi mu no, de mbre Kor'an aka no na Anohoba Mesia no so dze akyerɛ hɛn no.

Anohoba Mesia (ANN) no kaa de 'wiadze yi mu no nyimpa dɔ egyapadze yie dem ntsi se obi so taa de woeyi ne taabo ama obi a n'ase kyere nye de ɔdze n'egyapadze ama obi dem ntsi wɔaka de ansaana obi benya tsenenee no gyede ɔdze n'egyapadze a ɔdɔ no bɔ afɔr (3:93) osiande gyede esee w'egyapadze ansaana etum aye adɔye anaa papa ama obi. Papaye ye gyedzi ne fa, se ɔno nnyi hɔ a gyedzi nnkotum esi pi, se obi ammfa ɔno ankasa ne pe ammbɔ afɔr a ɔbeyɛ den aboa obi for, ansaana botum aboa obi no gyede egyaa woara wodze mu dze bɔ afɔr, dem ntsi afɔrbɔ wɔ Nyame kwan mu no so ye tsenenee a odzi mu, iyi so na ɔkyere nyimpa ne Nyamesom na Nyamesuro. Iyi na ɔkyere Hazrat Abu Bakr ne gyinabew wɔ ber a Nkɔmhyenyi bisa afɔrbɔ no ɔdze n'egyapadze nyinara bɔ afɔr, Nyankopɔn nhyira hɔn a wɔtse afɔrbɔ ase na wɔbɔ afɔr mbordo mbordo daa. Hom mma hɛn fa mfeda Waqfe Jadid afɔrbɔ no nto gua, iyi ye afe a ɔtɔdo eduonum esia (56) na afe yi eduonum esuon (57) no rehye ase wɔ afe 2014 mu. Mfeda Waqfe Jadid afɔrbɔ nyinaa somm sika €454,000 iyi bor mfeda dze nodo €4,660 na afe yi ingiresi aborokyr man na wodzii kan wɔ Waqfe Jadid ntoboa no mu wɔ wiadze afenandze nyinara na nkye midzi kan yi Pakistanman no fir mu ansaana m'abobɔ aman aman a wɔaka no naaso afe yi dze Ingiresi aborokyrman ntoboa kɔr sor sen Pakistan mpo.

Britain na wodzi kan na Pakistan tɔ do ebien, Amerika tɔ do ebiasa, Germany tɔ do anan, afei Canada, India, Australia, Indonesia na Belgium. Afe yi sika a Britain nyaa no wɔ sor yie, Nyankopɔn nhyira hɔn egyapadze do nye hɔn a wɔ bɔ afɔr nyinara. Amerika na Germany annto hɔn koraa, ɔwɔ de wɔbɔ hɔnho mbɔdzen yie se wɔpe de wɔkɔ kan dzaa, Britainfo so wɔ de wɔbɔ hɔn ho mbɔdzen se wɔpe de wogyina hɔn anan mu dzaa osiande woehuruw papaapa. Ebinom ama me afutu de mbre Khalifatul Masih IV yee no de Pakistanfo a wɔwɔ amanadze no dze hɔn ntoboa bɔkɔ ekotua no wɔ Pakistan man mu anye a medze dem nkaebɔ yi bema aman aman de mbre ɔbeyɛ ma Pakistan begyina hɔn anan mu dɔ woedzi kan wɔ ntoboa yi mu naaso menkeye dem osiande ɔwɔ de obiara tum bɔ no ho mbɔdzen de mbre n'ahɔdzen tse. Pakistanman wɔ gyinabew naaso adze kor nye de hɔn sika no bo akɔ famu papaapa, iyi nyinara ekyir mpo no wɔabɔ mbɔdzen papa ara yie, iyi fi hɔ a Ahmadiyyafo a wɔwɔ Pakistanman mu no edwuma asee see, binom hyeda ara de wɔbesee Ahmadiyyafo hɔn ndwuma naaso iynom nyinaa ekyir no hɔn afɔrbɔ sunsum nnkɔr famu koraa.

Nyankopɔn nhyira hɔn nye hɔn ndwuma, se ndzɛmba kɔ yie wɔ Pakistanman mu a hɔn ara hɔn ntoboa bɔkɔ sor a wonnkehia obiara ne mboa dze akɔ hɔn enyim wɔ afɔrbɔ mu, wɔ afeda se hɔn atsetsee nyinaa fi hɔn do a. Bio, Britain anamon a woetu yi kyere de ɔwɔ de Ameer no yee edwuma dzen na ɔbɔ mpae kɛse, se yefa no ankor ankor afɔrbɔ mu a, Arab aman aman no na wodzii kan, ankor ankor tuaa €3 odzi do ye Amerika €3 na Switzaland €1 belgium €47 na UK €45, ɔye de UK hɔn dɔm no adɔso ntsi na hɔn ntoboa no akɔ sor no. Australia nyaa €39, France €38, Canada €32, Japan €20, Singapore na Germany nyaa €29 nye Norway so dem ara.

Dɔm dodow a wotua ntoboa no nyinara ye 1,044,720 hɔn mu dodow ye afofor a wofir Ebibiman mu, ekyir yi no mepɛ de Ebibir amanaman no hye iyi nsew de wɔdze nkorɔfo a wotua ntoboa no nyinara edzin bre hɛn, se obi tua kaper mpo a de mbre ɔbema yeehu hɔn sika no nyinara, se yehwe dɔm dodow a afe no wodzi kan wɔ Ebibiman mu nye Burkina Faso, Sierra Leone, Gambia, Niger, Ivory Coast na Tanzania, sika dodow afa mu no Nigeria na Ghana na wodzi kan wɔ Ebibiman mu na afei Mauritius. Wɔ Pakistan no Jama'at ebiasa yinom na wodzii kan wɔ mansin mansin no mu; Sialkot, dawalpuundi, Islamabad, Faisalabad, Sarghoda, Gujranwala, Gujrat, Multan Aarowal Na Keederabad na Nankana Sahib. Sika dodow afamu no wɔ Britain no Jama'at a odzikan ye Dormingham, West Gillingham, Rayenes Park, Masjid

Fazl, Worcester Park, Hounshow North, Wimbledon, Bladford South, Balham Na New Malden. Wɔ mantɔw mantɔw afa mu wɔ Britain no, hɔn a wodzii kan nye Middlesex, London, Midland, wɔ Jama'at nkakraba mu no Aspen Valley, Branley, Lewisham, Gonwall na Norttanpton.

Jama'at du a wodzi kan wɔ Amerika ne yinom LA, Inkwid Empire, Silicon Valley, Detroit, Seattle, L.A. East, Ssilver Sprung, Central Virginia, Dallas na Boston. Germany nkurow tow enum a wodzi kan nye yinom; Hamburg, Frankfurt, Gross Drau, Darmstad na Wiesbaden, sika dodow afa mu no Germany Jama'at du a wodzii kan nye yi; Nida, Friedburg, Mannz, Colon. Canada Jama'at nye yi; Calgory Peace Village, Vaughan na Van Couvar, Canada Jama'at nkakraba; Eduonton, Dirham, Ottawa, Saskatoon South, Multon. India Jama'at nye yi nom; Kerala, Jammu Kashmir, Andhra Pardesh, Tamil Nadu, West Bengal, Urissa, Karnatak, Qadian Punjab, Maharashtra, Delhi, Uttar Pardesh. Keralai, Calicut, Noor Town, Hyderabad, Qadian, Calcutta, Chennai, Bengardi, Bangalore, Krishan Nagar. Nyankopɔn nhyira hɔn a wɔabɔ dem afɔr yi nyinara daa.

Huzur kaa de asɔr n'ekyir no ɔbeyɛ afunsie asɔr ama onua Yusuf Lateef a ofi Boston USA, ofii mu wɔ December 23, 2013, wɔwoo no wɔ afe 1820, onyaa mfe eduokron ebiasa, ɔyɛ Amerika bibinyi a ɔyɛ Bai'at afe 1948, ɔkenkaan Anohoba Mɛsia (ANN) na Hazrat Musleh Maood hɔn nkrataa na ɔbeyɛ Bai'at, na ɔtaa ka de ɔyɛ asodzi ma no de ɔbeyɛ Bai'at na se wɔannye dem a na wɔadan n'kyir ama Nyankopɔn. onyaa obenfo abodzin wɔ nwoma sua mu na ɔkyerɛ adze wɔ esuapɔn ahorow mu wɔ Amerikaman mu, ɔnam dzin a na wɔagyɛ no ntsi ne wu no ho dawurbɔ petsee Amerikaman nyinara mu ntsem na dawurbɔ nkrataa ahorow no pii bɔɔ ho dawur, ber a ɔman panyin Clinton frɛɛ hɔn wɔ white house aban mu no ohun de na ɔyɛ Amerika bibinyi naaso na ɔhyɛ shalwar kunees (Pakistan atar). Onyaa abodzin a nebo som (Nobel prize) naaso de ɔyɛ Ahmadiyyanyi no wɔammfa no som enndzi agor koraa, ɔkyerew ndwom ahorow pii naaso woennndzi agor annkɔ bea a nsa dzen wɔ da, onyaa kwan kɔyɛ Hajj na Umra nyinara, mber nyinara na ɔbɔ sika afɔr akese akese, ɔkyerekyerɛfo a ɔhwɛ sikasemdo kaa de ber biara obenya sika ntomu biara no otua ne ntoboa pepɛɛpe. Na ɔtaa ka de Ahmadiyya kwan no ye nokwar kwan na dem ara na Nkɔmhyenyi ne kwan no tse, ɔkaa de megye dzi de obiara a ɔbɛfa kwan yi do no nnkeyew na se ɔfa kwan yi do a ɔno na n'ebusuafo benya nkunyimdzi ndaamba. Ɔse ɔgyedzi de Ahmadiyya kuw na obotum dze korye aba wiadze yi mu. onyaa kwan kɔsɛraa Qadian na Rabwah eso, mfeda obum baa London Jalsa no bi na ɔwɔ ɔdɔ kese dze ma Khilafat, ohun Hazrat Khalifatul Masih III na IV na mfea ɔbaa Jalsa no na ɔntse apɔw dem ntsi na ɔtse efir do, ha ɔyɛ tseneneenyi na ɔyɛ de mbre ɔfata na ɔyɛ Fida asɔr no pepɛɛpe na ɔwɔ nyimpa ho dɔ kese mpo n'anyenkofo a wɔnnye Ahmadiyyafo no ɔkyerɛ ɔdɔ kese maa hɔn, nye tsema na tsimbɔbɔr, ɔnyaa kwan somm kuw yi wɔ gyinabew ahorow pii mu. mber biara na ɔpe de ɔbɔ som yi ho dawur na ɔdze som yi ho nwoma nantsew na se orutu kwan mpo a ɔdze nwona kɔ a ɔdze ma nkorɔfo wɔ kwan do, ber biara na ɔwɔ kuw no nwoma tsitsir nwoma a ɔfa mbɔfra hɔn ntsetseeho a ɔnoara na ɔbɔ kaw tsintsimm dem krataa no na ɔyɛ Moosi, ogyaa yer na abofra kor a wɔfre no Yusuf Lateef, Nyankopɔn nhyira hɔn nyinara ama woetum aye edwuma pa de hɔn egypt. Ameen!

Translated by: 1. Mr. Alhassan Kobina Atta-Wenchie
(Tutor, Jamiatul Mubashireen, Ghana)
2. Maulvi Alhassan Bashir Annan Sahib
(Tutor, Jamiatul Mubashireen, Ghana)
3. Mr. Rasheed Possible Essuman Sahib
(Second Year Student, Jamiatul Mubashireen, Ghana)

Downloaded from: www.jamiatulmubashireen.org

Contact: www.jamiatulmubashireen.org/contact-us